

Surat Kebenaran Pengarah Institut

Jabatan Kurikulum dan Teknologi Pengajaran
Fakulti Pendidikan,
Universiti Malaya,
Kuala Lumpur.

Pengarah,
Institut Perguruan _____

Tuan/Puan,

Persetujuan Pengarah Melibatkan Pensyarah dan Guru Pelatih Dalam Kajian

Dengan hormatnya perkara di atas dirujuk.

2. Saya, Abd. Khahar Saprani adalah seorang pelajar pasca siswazah dari Universiti Malaya dan sedang membuat kajian dalam bidang Kurikulum dan Teknologi Pengajaran. Kajian saya bertujuan untuk meneroka pelaksanaan pengajaran dan pembelajaran di dalam bilik kuliah guru pelatih KPLI. Kajian ini diharapkan akan dapat memberi maklumat untuk membantu meningkatkan lagi keberkesanan pelaksanaan pengajaran dan pembelajaran komponen TMK dalam sukatan pelajaran Pengurusan Sumber, KPLI, dalam Program Pendidikan Guru.
3. Dengan ini saya memohon kebenaran daripada pihak Tuan/Puan untuk melibatkan seorang pensyarah dan lima orang guru pelatih terlibat dalam kajian ini. Kajian ini melibatkan pemerhatian di dalam kelas semasa proses pengajaran dan pembelajaran komponen TMK dalam sukatan pelajaran Pengurusan Sumber, KPLI. Proses pengajaran dan pembelajaran akan dicatatkan dalam bentuk tulisan dan dirakam audio dan visual. Ini akan diikuti dengan temu bual untuk mendapatkan maklum balas yang lebih terperinci tentang pemahaman pensyarah dan guru pelatih tentang proses pengajaran dan pembelajaran di bilik kuliah. Temu bual dengan pensyarah dan guru pelatih akan dijalankan selepas waktu kuliah dan akan dirakamkan. Setiap temu bual akan memakan masa antara 30-40 minit dan akan dilakukan sebanyak antara lima hingga tujuh kali.
4. Bagi tujuan penulisan tesis, maklumat berhubung butir-butir peribadi pensyarah dan guru pelatih seperti nama sebenar mereka, nama dan alamat institut akan dirahsiakan.

Sekian dimaklumkan. Kerjasama daripada pihak tuan/puan didahului dengan ucapan terima kasih.

Yang benar,

(ABD. KHAHAR SAPRANI)

Fakulti Pendidikan
Universiti Malaya,
Kuala Lumpur.

Pengarah,
Institut Perguruan _____

Saya, _____ dengan ini bersetuju / tidak bersetuju untuk membenarkan En. Abd. Khahar Saprani menjalankan kajian di institut ini.

Tandatangan _____

Tarikh: _____